

(1) Mwari Anoratidza sei rudo rwake runoshamisa?

Mapisarema 145:15, 16

Murunako rwezvakatitenderedza tinoratidzwa rudo rwaMwari. Baba vedu vari kudenga ndivo vanotipa upenyu. Ndivo vanotibatsira kuita sarudzo dzakanaka,uye ndivo nzira yekuwana nayo mufaro. Imbotarisa zvipo zvinoyevedza zviri pane zvakasikwa. Imbofunga kuriritira kwaanoita zvisikwa izvi kuti zvirarame uye nemufaro. Anoisa mvura nemushana kuti avandudze nyika itarisike zvakanaka zvine upenyu. Muzvikomo, makungwa nemapani tinogona kuona pachena rudo rwe Musiki wedu. Ndiye Anopa zvisikwa zvese zvinhu zvinozviraramisa.

(2) Bhaibheri Rinotsanangura Mwari Nemazwi Akadii?

I Johane 4:16

Pakutanga Mwari akasika munhu anofara akaperera pautsvene uye ari munhu anofara. Akasika nyika isina pairatidzika kusakara, kuora kana kufa. Zvese izvi zvakauya nekutyora mutemo waMwari, uyo unehwaro hwawo murudo. Izvi ndizvo zvakaunza kutambura nerufu. Kunyange nemukati mekutambudzika kunounzwa nechitema, rudo rwaMwari runongobuda pachena. Mapisarema 104.

Muna Genesi 3:17 ndimo matinowana kunyorwa kwekutukwa kwepasi kwakakonzerwa nesarudzo yechitema asi kwakapihwa naMwari kuti zvitinakire. Minzwa novutumbambeva zvakafanana nematambudziko nemiyedzo inoita kuti upenyu hwedu huome. Izvi zvakabvumirwa nokuti zvinotipa kudzidza kwatinoda kuri muzano raMwari kuti zvibatsire kugadziridza pakakuvadzwa nechitema. Kunyange zvazvo nyika yakakaura netuso rechitema, rudo rwaMwari ruchiri kuonekwa pamaruva pakati pevutumbambeva uye maruva anonhuwirira (roses) pakati peminzwa.

“Mwari rudo” zvinoratidzwa paruva rose rinovhurika uye pauswa hwese hunokura. Tinogona kuona kuti Mwari ane hanya nesu uye anoda kuti tifare patinonzwa tushiri tuchizviimbira, uye nokunzwa munhuwi wakanaka wemaruva mumhepo,uye mukuona miti mirefu inodakadza iri mumasango.

(3) Baba vedu vekudenga vane chimiro chakadii?

Mika 7:18

Mumagwaro Matsvene tinogona kuona kuti Mwari akaita sei. Anotiudza pamusoro perudo rwaKe rusingaperi uye tsitsi dzake. Mosesi paakanamata kuti, “Ndiratidzei kubwinya kwenyu,” Iye Akamupindura : “Ndichapfuudza kunaka kwangu kwose pamberi pako.” Eksodo 33:18,19; Jona 4:2.

Mwari anokwevera mwoyo yedu kwaari nezvikomborero zvisingagoni kuverengwa. Anotsvaka kuzviratidza kwatiri kuburikidza nezvisikwa uye kuburikidza nekubatana kwakadzika kwakakosha zvakadaro kwati kwambozikanwa nemoyo yedu. Asi zvose izvi hazvikwanisi kuratidza zvizere upamhi neudzamu hwerudo rwaKe.

(4) Satani anoda kuti tione Mwari akaita sei?

Mika 7:17

Satani arikushanda nesimba kupofumadza pfungwa dzedu kuti tisaone zvikomborero zvaMwari zvaanotipa, vazhinji vedu vanotarisa Mwari



vachimutya uye nekufunga kuti ndiMwari akaomarara uye asingaregereri. Satani akanyengedza vazhinji vedu mukufunga kuti chinangwa chaMwari ndechekubaranga. Anoda kuti munhu vese aone Mwari semutongi anehasha akafanana nemhunhu akatorerwa chikwereti asingambonzwi tsitsi kana nepaduku pose. Satani anoda kuti tione Musiki semunhu akavhura meso ake kuti atsvage pese patingatadze kuti awane mukana wekutiranga. Jesu akauya kuzorarama pasi rino kuti abvise pfungwa dzese dzemanyepo idzi uye kuti aratidze rudo rwaMwari rusina chipimo.

(5) Mumasure mekunge chitema chapinda,pane akazomboona here Mwari Baba?

Johane 1:18

(6) Tingaziva sei kuti Baba Vakaita sei?

Mateo 11:27

Jesu akadzika mupasi rino kuzotiratidza Baba vake. Apo mumwe wevadzidzi vake akabvunza, “Tiratidzei Baba”, Jesu akamupindura, “Ndakava nemi nguva refu yakadai, ko hausati wandiziva here, Firipo? Wandivona ini, wavona Baba; zvino unoreva seiko uchiti: Tiratidzei Baba?” Johane 14:8, 9.

(7) Zvikonzeroi zvakaita kuti Jesu Auye pano pasi?

Ruka 4:18

Basa raJesu raiva rekutenderera achiita zvakanaka nekurapa vose vakanga vakuvadzwa naSatani. Kwaitova nemisha yakasara isina kana kuchema kunyange kubva kumunhu mumwechete airwara, nokuti Jesu akanga apfuura nemo akarapa vose. Zvinhu zvaiitwa naJesu zvaibudisa pachena kuti akanga akazodzwa nedenga. Rudo, tsitsi, nekunzwira zvairatidzwa muchiitiko chese cheupenyu hwaKe. Mwoyo waKe waibuda mukusiririswa navose. Akatora chimiro chedu kuti agokwanisa kutibatsira mukushaiwa kwedu. Kana

murombo nemunhu wepasi zvakadii akanga asingatyi kusvika paAri. Vana vadiki vaifarira kugara vari paAri. Vaifarira kukwira pamakumbo ake vachitarisa chiso chaKe chakazara nehanya, nyasha norudo.

(8) Jesu aisvitsa sei shoko revhangeri?

Johane 1:14

Jesu haana kumbosiirira kutaura kana shoko rimwechete rechokwadi. Airtaura nguva dzose murudo. Aiva munhu ane hungwaru uye aifungisisa pese apo aifambidzana nevanhu. Haana kumbobvira avirima, kana kutaura shoko rinorwadza, kana kubvumidza kurwadzisa kunze kwekunge zvakanga zvichizobatsira aitaaurirwa. Haana kumbopomera vanhu mhosva muutera hwavo. Nguva dzose aitura chokwadi murudo. Akabudisa pachena avo vainyepera kuva vakarurama ivo vasiri. Aipesana chose nokusatenda uye nehuipi. Misodzi yaiva muizwi raKe pese paaiyambira vanhu pamusoro pekutadza kwavo. Akachema pamusoro peJerusarema, guta raaida, iro rakanga richiramba kumugamuchira, Iye ari Nzira, Zvokwadi, neUpenyu. Vakanga vamuramba iye Muponesi wavo,asi iye akaramba achivabata nehunyoru nekuvanzwira. Upenyu hwake hwakanga hwakazara nokushaiwa chindini uye huine kuitira zvakanaka kune vamwe. Munhu wese aikosha mumaziso aKe. Airemekedza chose nhengo yese yemhuri yaMwari. Mumunhu wese aiona mweya wakanga waputsika, uye aiona riri basa raKe kuti amuponese.

Chimiro chaJesu naMwari Baba chakaratidzwa mumaramamiro aJesu. Nzizi dzekunzwira dzedenga dzaionekwa dzichiyerera kusvika kuvana vaMwari vari mupasi dzaibva pamwoyo paBaba. Jesu Muponesi wedu, anekunzwira neunyoru, aiva Mwari “Akaratidzwa munyama”. 1 Timotio 3:16.

(9) Jesu akabatwa sei pasi pano pachinzvimbo chedu?

Isaya 53:3-5

Jesu akauya, akararama, akatambudzika uye kufa kuti atiponese. Akava “Murume Wekusuwa,” kuti tiwane rufaro rusingaperi. Mwari akabvumidza Mwanakoma waKe, uyo waanoda zvikuru, kusiya mbiri isingatsananguriki yedenga auye pasi pano pakazara nerima remumvuri werufu. Akabva pamberi paBaba vaKe uye paainamatwa nengirozi kuti auye kuzonyadziswa, kutukwa, kushorwa,kuvengwa nekufa.

Imbotarisa uone zvaakasangana nazvo murenje, mubindu reGetsemani, uye pamuchinjikwa! Mwanakomana waMwari asina chaangapomerwa akatakura mutoro wechitema. Uyo aiva mumwechete naMwari akanzwa pamweya wake udzamu hwekuparadzaniiswa kunounzwa nechitema pakati pemunhu naMwari.

(10) Mukurwadziwa Jesu akachema mumazwi anoti kudii?

Mateo 27:46

Kuchema kwekurwadziwa uku kwakabva pamuromo waKe. Kwaiva kurema kwechitema, pfungwa yekuremerwa neuipi hwacho, kuparadzaniiswa kwake kubva kuna Mwari ndiko kwakatsemura mwoyo weMwanakomana waMwari.

(11) Ko sei Mwari akatumira Mwanakomana waKe kuuya pano pasi?

2 Vakorinte 5:19

Mwari haana kutora kuzvipira uku kuti zvisike maari rudo rwekutida mumwoyo maKe kana kuti zvimubatsire kuti agogona kutiponesa. Kwete, kwete ! “Nokuti Mwari wakada nyika nokudaro kuti wakapa Mwanakomana wake wakaberekwa mumwe woga” Johane 3: 16. Mwari haatidi nokuda kwokuzvipira uku, asi akazvipira nokuti anotida. Kristu ndiye nzira yakashandiswa naMwari kudurura rudo rwaKe rusingaperi pamusoro penyika yakaputsika. Mwari akatambura pamwechete neMwanakomana waKe mukurwadza kweGetsemani uye parufu rwomuchinjikwa. Mwoyo wake unerudo rusina chipimo wakaripa mhaka yedu, kuti tiponeswe.

(12) Jesu Akatsanangura seiko chiitiko ichi cherudo?

Johane 10:17, 18

Nemamwe mazwi, Jesu Ari kuti, “Baba vangu vanokudai zvikuru zvakadaro zvekuti vanonyanyisa kundida nokuti ndakapa upenyu hwangu kuti ndikudzikinurei. Mukutora nzvimbo yenyu uye mukuva Vimbiso yakasimba, mukupa upenyu hwangu kuripa muripo wezvivi, ndinokosha kuna Baba vangu. Nokuti nechipiriso changu, Mwari anova wakarurama, uyezve achiva Mururamisi weuyo anotenda muna Jesu.”

Hakuna mumwe aigona kudzikinura munhu akanga aputsika kunze kweMwanakomana waMwari. Izvi zvaitoda chete uyo aiva pedyo naBaba nokuti ndiye ega aigona kumuratidza kwatiri. Jesu bedzi aiziva kukwirira nekudzika kwerudo rwaMwari ndiye ega aikwanisa kumuratidza kuvanhu zvizere. Hakunazve chimwe chinopfuura kuzvipira kusina chipimo uko kwakaitwa naJesu kwatiri chaigona kuratidza rudo rwaBaba kuvanhu vakarasika vari munyika ino. “Mwari wakada nyika nokudaro kuti wakapa Mwanakomana waKe akaberekwa mumwe oga.” Haana kungomutumira kuti agare nesu asi kuti atakure zvivi zvedu, uye kuti afe panzvimbo yedu, Akamupa kurudzi rwedu rwakanga rwaputsika. Kristu akauya kuti azvienzanise nevanhu uye kuzvinzwira pachaKe zvinetso, kushaiwa uye zvidiso zveavo vanorarama pano pasi.

(13) Jesu akanyara here kuva mumwe wedu?

VaHeberu 2:11

Uyo aiva pamwechete naMwari akazvibanidza nesu nehochechoche (nekukochekerana) dzisingagoni kudamburwa. Jesu haanyari kutidza hama dzake. Ndiye Chipiriso chedu, Mudziviriri naMukoma, anotoro chimiro chemunhu pamberi pechigarro chaBaba. Mumakore asingaperi anouya acharamba achingove nhengo yerudzi rwevanhu vaakadzikinura. Ndiye Mwanakomana woMunhu. Izvi zvose akazviitira kuti atisimudze kubva mukukuvadza uye mukunyadzisa kwechitema. Akazviitira kuti tigokwanisa kuratidza rudo rwaMwari uye kuti tigova vadyi venhaka verufaro rwoutsvene.

(14) Kuremekedzwai kwava kwedu?

1 Johane 3:1

Chipiriso chaMwari chisina chipimo mukutipa Jesu Kristu kuti atifire ndiwo muripo wakabhadharwa kutiponesa. Izvi zvinofanira kutipa

kunzwisisa kukuru kwezvatinogona kuva munaKristu. Apo Johane akaona kukwirira nekudzama kwerudo rwaBaba kurudzi rwakanga ruchifa, akazadzwa nekunamata nekuremekedza. Akapererwa nemazwi ekudetemba hukuru nehunoro hwerudo rwaMwari saka akati, “Tarirai kukura kwerudo rwatakaitirwa naBaba, kuti tinzi vana vaMwari.” 1 Johane 3:1. Mamboonawo here kukosha kwazvinotipa ! Kuburikidza nechivi, tinova pasi peusungwa hwaSatani,asi nekutenda mukuzvipira kunoponesa kwaJesu,tinogona kuva vana vaMwari. Mukutora chimiro chemunhu, Kristu akatisimudzira. Isu sevanhu vakaputsika taiswa pachinzvimbo chekuti, kuburikidza nekubatana naKristu tavanekodzero yokudaidzwa zvechokwadi kunzi “vana vaMwari.”

Hapana rudo runopfuura kutikoka kwaBaba kuti tive vana vavo. Ivimbiso yakakura zvakadii! Iri ndiro dingindira rinotsvaka kudzamiswa kwepfungwa. Rudo rwaMwari rusina charungaenzaniswe narwo kunyika yakanga isingamudi! Pfungwa iyoyi ine simba rokubata mwoyo, nekuisa pfungwa pasi pekudzoreredza kwezvidiso zvaMwari. Patinoramba tichidzidza chimiro chaKe chinoyera uye kuti chakashanda sei pamuchinjikwa, ndipo patichanyanya kuona tsitsi, unyoro nekuregerera kwakasangana neutongi hune kuenzanisa nokururamisa. Ndipowo patichanyanya kuziva zviratidzo zverudo rusina magumo. Unyoro hwake nekunzwira zvinopfuura nekure chishuwo chaamai kumwana wavo atetereka. (arasika).

Ndinoda kutenda Baba vedu vekudenga nerunako rwezvavakasika uye mukutipa zvinotiriritira.

Tenderedza: Hongu Kwete Handisati ndasarudza

Ndinorumbidza Mwari nechimiro chake chakaperera uye chakarurama. Ndinozadzwa nerudo pandinosvika mukuziva kuti tsitsi, moyo murefu nyenasha dzaakandiratidza muchipo cheMwanakomana waKe.

Tenderedza: Hongu Kwete Handisati ndasarudza

Ndinotenda kuti Jesu akauya pano pasi akaratidza rudo rwaKe, mukuporesa vairwara,kupa kuona kumapofu,achinyaradza vaiva nemwoyo yakatsemuka (yakaremerwa).

Tenderedza: Hongu Kwete Handisati ndasarudza

Ndinotenda kuti Jesu akandipa mukana wekusunungurwa kubva muuranda hwechitema kuburikidza nechipo cheupenyu hwake husina chitema.

Tenderedza: Hongu Kwete Handisati ndasarudza

Chidiso changu kuwana nguva yakawanda yekudzidza Shoko raMwari kuti ndinzwisise zvidiso zvaKe. Ndinoda kuratidza rudo rwangu kwaari nekurarama upenyu huchaunza kukudzwa nembiri kuzita raKe.

Tenderedza: Hongu Kwete Handisati ndasarudza

(C) Merlin Beerman - www.revelationpublications.com
Illustrations (C) Goodsalt - www.goodsalt.com
These materials may be photocopied and shared but not altered or sold.

Printed in USA by Light Bearer’s Ministry - www.lbm.org

Matsiko Kuna Kristu



Rudo RwaMwari Kwatiri